



Llywodraeth Cymru
Welsh Government

YSTADEGAU, DOGFENNU

Trosolwg o'r farchnad lafur: Chwefror 2026 (canlyniadau pennawd)

Data misol ar gyflogaeth, diweithdra ac anweithgarwch
economaidd.

Cyhoeddwyd gyntaf: 17 Chwefror 2026

Diweddarwyd ddiwethaf: 17 Chwefror 2026

Cynnwys

Cyflwyniad (<https://www.llyw.cymru/trosolwg-or-farchnad-lafur-chwefror-2026-canlyniadau-pennawd-html#196754>)

Enillion misol gweithwyr cyflogedig o Wybodaeth Amser Real Talu wrth Ennill (<https://www.llyw.cymru/trosolwg-or-farchnad-lafur-chwefror-2026-canlyniadau-pennawd-html#196756>)

Prif ddangosyddion y farchnad lafur, y 3 mis hyd at fis Rhagfyr 2025 (<https://www.llyw.cymru/trosolwg-or-farchnad-lafur-chwefror-2026-canlyniadau-pennawd-html#196758>)

Gwybodaeth bellach (<https://www.llyw.cymru/trosolwg-or-farchnad-lafur-chwefror-2026-canlyniadau-pennawd-html#196760>)

Manylion cyswllt (<https://www.llyw.cymru/trosolwg-or-farchnad-lafur-chwefror-2026-canlyniadau-pennawd-html#196762>)

Cyflwyniad


Mae'r pennawd hwn yn rhoi crynodeb o'r ystadegau allweddol diweddaraf sy'n ymwneud â marchnad lafur Cymru, ac mae'n cynnwys ystadegau arbrofol Gwybodaeth Amser Real Talu wrth Ennill gan adran Gyllid a Thollau EF (CThEF) ac o'r Arolwg o'r Llafurlu (LFS).

Enillion misol gweithwyr cyflogedig o Wybodaeth Amser Real Talu wrth Ennill

Mae'r Swyddfa Ystadegau Gwladol (y SYG) a Cyllid a Thollau Ei Fawrhydi (CThEF) yn cyhoeddi data ar gyfer Cymru am weithwyr sydd ar gyflogres, tâl cymedrig, tâl yn ei grynsyth ac amcangyfrifon un mis ar gyfer tâl canolrifol.

Gweithwyr cyflogedig

Ffigur 1: gweithwyr Cyflogedig, Cymru, mis Ionawr 2021 i fis Ionawr 2026



Disgrifiad o ffigur 1: siart llinell sy'n dangos fod tuedd yn y nifer o weithwyr cyflogedig yng Nghymru wedi lleihau dros y flwyddyn ddiwethaf yn dilyn cynnydd cyson ers 2021.

Ffynhonnell: Dadansoddiad Llywodraeth Cymru o PAYE RTI, SYG a CThEF

Mae amcangyfrifon cynnar ar gyfer mis Ionawr 2026 yn dangos bod nifer y gweithwyr cyflogedig yng Nghymru wedi cynyddu o 100 (0.0% i 1 lle degol) dros y mis i 1.31 miliwn.

Ar lefel y Deyrnas Unedig (DU), dangosodd amcangyfrifon cynnar ar gyfer mis Ionawr 2026 ostyngiad misol o 10,600 (0.0% i 1 lle degol).

Mae dadansoddiadau manwl eraill o **weithwyr cyflogedig gan gynnwys yn ôl awdurdod lleol, yn ôl oedran ac yn ôl sector gan y SYG**

(<https://www.ons.gov.uk/employmentandlabourmarket/peopleinwork/earningsandworkinghours/bulletins/>


[earningsandemploymentfrompayasyouearnrealtimeinformationuk/previousreleases](https://www.ons.gov.uk/employmentandlabourmarket/peopleinwork/earningsandworkinghours/bulletins/earningsandemploymentfrompayasyouearnrealtimeinformationuk/previousreleases)).

Prif ddangosyddion y farchnad lafur, y 3 mis hyd at fis Rhagfyr 2025

Mae cyfyngau hyder ar gyfer y prif gyfraddau marchnad lafur ar gael ar wefan y SYG (<https://www.ons.gov.uk/employmentandlabourmarket/peopleinwork/employmentandemployeetypes/datasets/samplingvariabilityandrevisionssummaryforregionallabourmarketstatistics02>). Mae'r data diweddaraf yn dangos nad oedd unrhyw newidiadau ystadegol arwyddocaol ar gyfer prif ddangosyddion y farchnad lafur yn y tri mis hyd at fis Rhagfyr 2025. Mae hyn yn awgrymu nad yw'r newidiadau chwarterol a blynyddol ar gyfer y dangosyddion hyn yn debygol o adlewyrchu newid gwirioneddol yn y data.

Cyfradd cyflogaeth

Ffigur 2: cyfradd cyflogaeth, y 3 mis hyd at fis Rhagfyr 2015 i'r 3 mis hyd at fis Rhagfyr 2025



Disgrifiad o ffigur 2: siart llinell sy'n dangos bod y gyfradd cyflogaeth yn y DU yn gyffredinol yn uwch nag yng Nghymru dros y 10 blynedd diwethaf.

Ffynhonnell: Dadansoddiad Llywodraeth Cymru o'r LFS

Cymru


Roedd y gyfradd gyflogaeth yng Nghymru yn 71.8%. Mae hyn i fyny 0.9 pwynt canran ar y chwarter ac i fyny 1.7 pwynt canran ers yr un cyfnod y flwyddyn ynghynt.

DU

Roedd y gyfradd gyflogaeth ar gyfer y DU yn 75.0%. Mae hyn i lawr 0.1 pwynt canran ar y chwarter a heb newid ers yr un cyfnod y flwyddyn ynghynt.

Cyfradd diweithdra

Ffigur 3: cyfradd diweithdra, y 3 mis hyd at fis Rhagfyr 2015 i'r 3 mis hyd at fis Rhagfyr 2025



Disgrifiad o ffigur 3: siart llinell sy'n dangos bod y gyfradd diweithdra wedi dilyn tuedd debyg yng Nghymru ac yn y DU dros y 10 blynedd diwethaf er bod y gyfres ar gyfer Cymru yn fwy anwadal.

Fynhonnell: Dadansoddiad Llywodraeth Cymru o'r LFS

Cymru


Roedd y gyfradd diweithdra yng Nghymru yn 4.5%. Mae hyn i lawr 1.2 pwynt canran ar y chwarter ac i lawr 0.9 pwynt canran ers yr un cyfnod y flwyddyn ynghynt.

DU

Roedd cyfradd diweithdra y DU yn 5.2%. Mae hyn i fyny 0.2 pwynt canran ar y chwarter ac i fyny 0.8 pwynt canran ers yr un cyfnod y flwyddyn ynghynt.

Cyfradd anweithgarwch economaidd

Ffigur 4: cyfradd anweithgarwch economaidd, y 3 mis hyd at fis Rhagfyr 2015 i'r 3 mis hyd at fis Rhagfyr 2025



Disgrifiad o ffigur 4: siart llinell sy'n dangos bod y gyfradd anweithgarwch economaidd wedi gostwng yn gyffredinol yn y DU dros y 10 blynedd diwethaf ond mae wedi cynyddu ar y cyfan ers y misoedd cynnar yn 2020. Yng Nghymru, mae'r gyfradd wedi amrywio dros y cyfnod hwn ond yn gyffredinol mae'n parhau i fod yn uwch na chyfradd y DU.

Ffynhonnell: Dadansoddiad Llywodraeth Cymru o'r LFS

Cymru

Roedd y gyfradd anweithgarwch economaidd yng Nghymru yn 24.8%. Mae hyn i fyny 0.1 pwynt canran ar y chwarter ac i lawr 0.9 pwynt canran ers yr un cyfnod y flwyddyn ynghynt.

DU

Roedd y gyfradd anweithgarwch economaidd ar gyfer y DU yn 20.8%. Mae hyn i lawr 0.1 pwynt canran ar y chwarter ac i lawr 0.7 pwynt canran ers yr un cyfnod y flwyddyn ynghynt.

Gwybodaeth bellach

Mae'r **SYG wedi cyhoeddi amcangyfrifon LFS wedi'u hail-bwysoli ar gyfer Cymru ym mis Rhagfyr** (<https://www.ons.gov.uk/employmentandlabourmarket/peopleinwork/employmentandemployeetypes/articles/impactofreweightingonlabourforcesurveykeyindicators/december2024>) 2024 am y cyfnod o Ionawr i Fawrth 2019, sydd wedi achosi newid sylweddol yn y data.

Mae'r SYG wedi nodi bod heriau o ran cynnal cyfraddau ymateb ar gyfer yr Arolwg o'r Llafurlu yn parhau i effeithio ar ansawdd data, er gwaethaf yr **ail-bwysoliad o'r amcangyfrifon ym mis Rhagfyr 2024 (SYG)** (https://cy.ons.gov.uk/employmentandlabourmarket/peopleinwork/employmentandemployeetypes/articles/impactofreweightingonlabourforcesurveykeyindicators/december2024?_gl=1*1w8zjik*_ga*MTMyNTgxOTA1OC4xNzM0MzQ5NjU2*_ga_W804VY6YKS*MTczNDM0OTY1NS4xLjAuMTczNDM0OTY1NS42MC4wLjA.*_ga_80DKNRDN15*MTczNDM0OTY1NS4xLjAuMTczNDM0OTY1NS4wLjAuMA..). Bydd ystadegau'r farchnad lafur sy'n seiliedig ar Arolwg o'r Llafurlu yn parhau i gael eu labelu fel **ystadegau swyddogol sy'n cael eu datblygu (Swyddfa Rheoleiddio**

Ystadegau) (<https://osr.statisticsauthority.gov.uk/policies/official-statistics-policies/official-statistics-in-development/>) nes bydd adolygiad pellach ac rydym yn parhau i argymhell gofal wrth ddehongli'r data hwn.

Byddem yn argymhell defnyddio data'r LFS ochr yn ochr â'r tueddiadau mewn mesurau eraill yn y farchnad lafur, yn enwedig Swyddi'r Gweithlu (mesur chwarterol o swyddi), nifer y bobl sy'n hawlio budd-daliadau sy'n gysylltiedig â diweithdra) a'r data RTI gan CThEF (nifer y gweithwyr ar y gyflogres) i gael darlun cliriach o'r farchnad lafur yng Nghymru.

Manylion cyswllt

Ystadegau'r Farchnad Lafur a Sgiliau

E-bost: ystadegau.marchnadlafur@llyw.cymru
(<mailto:ystadegau.marchnadlafur@llyw.cymru>)

Cyfryngau: 0300 025 8099

Efallai na fydd y ddogfen hon yn hollol hygyrch.

Drllenwch ein [datganiad hygyrchedd](https://www.llyw.cymru/datganiad-hygyrchedd-llywcymru) (<https://www.llyw.cymru/datganiad-hygyrchedd-llywcymru>) i gael rhagor o wybodaeth.